



Velferðarnefnd Alþingis
nefndasvid@althingi.is

Akureyri 08.01.2022

Efni: umsögn Dýralæknafélags Íslands um frumvarp til laga um dýralyf, 149. mál.

Dýralæknafélag Íslands (DÍ) styður markmið frumvarpsins og mikilvægi ábyrgðar notkunar dýralyfja. Dýralæknafélag Íslands er með eftirfarandi athugasemdir

II kafli 4. gr.

Þröngur markaður: Markaður fyrir eina af eftirfarandi gerðum lyfja:.....,

b. dýralyf fyrir aðrar dýrategundir en nautgripi, sauðfé til kjötframleiðslu, svín, hænsni, hunda og ketti.

DÍ telur að vanti í b lið hross í upptalninguna, ef hross eiga ekki að vera hluti af þessari upptalningu væri áhugavert að upplýsa hvers vegna þau eru undanskilin.

Í XI. kafla 45. gr.

Dýralækni er heimilt að gefa inn dýralyf sem er flokkað sem ávísunarskyllt dýralyf án þess að gefa út lyfjaávisun ef dýralæknirinn gerir það sjálfur. Dýralæknirinn skal halda skrár yfir slíkar eigin inngjafir án útgáfu lyfjaávisunar og skila þeim til viðeigandi stjórnvalda.

DÍ finnst óskýrt hvað átt er við með að skila eigi skrá yfir eigin inngjafir til stjórnvalda? Er átt við að skila eigi inn öllum sjúkraskráum til Matvælastofnunar/ráðuneytis? Ef það er raunin þá telur DÍ það óraunhæft út frá sjónarmiðum um persónuverndarupplýsingar, einnig út frá umfangi og þeim ólíku kerfum sem dýralæknar nota til að halda utanum sjúkraskrár.

Í þessu samhengi er einnig vert að nefna mikilvægi þess að dýralæknar eigi kost á því að skrá alla lyfjagjöf í miðlægan gagnagrunn, fyrir allar dýrategundir til að auðvelda utanumhald lyfjaávisana. DÍ leggur mikla áherslu á að fundin verði leið til að brúa samskipti milli núverandi kerfa og Búfjárheilsu. Forðast þarf tvískráningar og það aukaálag sem slíkt veldur. Í dag hafa dýrlæknar ekki möguleika á að skrá lyfjaávisanir t.d fyrir gæludýr í rafrænan grunn. Útgáfa lyfjaávisana á pappírformi er úrelt og erfið í framkvæmd og nauðsynlegt að sjá framfaraskref í þessari framkvæmd til að auðvelda dýralæknum allt utanumhald.

45. gr.

Matvælastofnun hefur eftirlit með lyfjaávisunum dýralækna, sbr. lög um dýralækna og heilbrigðisþjónustu við dýr og 78. gr. lyfjalaga, nr. 100/2020.

Ráðherra skal í reglugerð kveða nánar á um lyfjaávisanir dýralækna, þ.m.t. um upplýsingar sem fram skulu koma á lyfjaávisun dýralæknis, um fjarheilbrigðisþjónustu dýralækna í tengslum við klínískt mat við útgáfu lyfjaávisana og sérstakar takmarkanir er varða lyfjaávisanir á sýkingalyfjum.

Í þessu samhengi vill DÍ benda á mikilvægi þess að ráðherra komi með reglugerð og skýra umgjörð um heimild til notkunar dýralyfja í fjarheilbrigðisþjónustu. Þar er rétt að nefna að notkun ákveðinna lyfjahópa skal einungis vera í höndum dýralækna. Afar mikilvægt er að dýralæknar komi að þessari vinnu við gerð slíkrar reglugerðar, huga þarf að mörgu þegar kemur að fjarheilbrigðisþjónustu eins og dýravelferð og ábyrgri notkun dýralyfja.

49. gr.

..... *Dýralæknir skal aðstoða eigendur og/eða umsjónarmenn dýra við skráningu sé eftir því leitað.*

DÍ tekur undir ábyrgð dýralækna að skrá allar lyfjagjafir og ávísanir um framhaldsmeðhöndlun í lyfjagagnagrunn og skilja eftir upplýsingar um framhaldsmeðhöndlun og útskolunartíma lyfja hjá dýraeigenda. Hins vegar verður ábyrgð dýraeigenda að vera skýr varðandi notkun lyfja og skráningar þeirra, í því samhengi má nefna mikilvægi þess að færa upplýsingar dýralæknis inn í þar til gerð heilsukort og /í gagnagrunn þar sem aðgengi og rekjanleiki upplýsinga er góður þannig að mikilvægar upplýsingar um t.d hvað varðar matvælaöryggi glattist ekki.

50. gr.

.....*Dýralæknir sem hefur staðfestu á Evrópska efnahagssvæðinu og kemur hingað til lands til að veita þjónustu er heimilt að hafa undir höndum og gefa dýrum eða hópum dýra sem hann annast dýralyf, í því nauðsynlega magni sem meðferðin krefst, sem eru ekki leyfð hér á landi ef skilyrði 111. gr. dýralyfjareglugerðarinnar eru uppfyllt.*

Ákvæði 1. mgr. gildir ekki um ónæmislyf fyrir dýr nema um sé að ræða eiturefni eða sermi.

DÍ fagnar að dýralæknar með til dæmis sérfræðipækkingu geti komið til landsins og nýtt og /eða miðlað sinni sérþekkingu/sérmeðferð. Hins vegar finnst DÍ ekki koma nægilega vel fram að til þess þurfi sérstakt leyfi. Vekur það upp spurningar hvort ekki þurfi að sækja um leyfi/tilkynna slíka starfsemi, þó tímabundin sé, til Matvælastofnunar og eftir atvikum Lyfjastofnunar ef nota á dýralyf sem ekki eru heimil hérlendis?

DÍ vill koma því á framfæri að það er komin mikil þörf á leiðbeiningar/ramma varðandi notkun og ávísun ormalyfja til dýra hérlendis. Allt bendir til þess að ónæmi snýkjudyra gegn vissum tegundum ormalyfja sé orðið nokkuð útbreitt hérlendis. Það er því nauðsynlegt að ábyrg notkun og meðhöndlun gegn ormasýkingum fari sem fyrst í réttan farveg hérlendis, þetta er að mati DÍ nauðsynlegt til að tryggja heilbrigði dýra og velferð.

Virðingafyllst fyrir hönd Dýralæknafélags Íslands

Bára Eyfjörð Heimisdóttir, formaður

